



Broj: 10/E-11-6403/25-1
Sarajevo, 26-12-2025. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine (u daljem tekstu: Komisija II) u postupku javne nabavke usluga održavanja autonomnih informacionih sistema (2026-2028), LOT 1 - Sotac, putem pregovaračkog postupka bez objave obavještenja o nabavci (Zapisnik o pregledu i ocjeni početne i konačne ponude broj: 10/E-11-6403/25-1 od 19.12.2025. godine), Općinski načelnik donosi:

ODLUKU O IZBORU NAJPOVOLJNIJEG PONUĐAČA

- I. Prihvata se konačna ponuda ponuđača **„COMP-IT“ d.o.o. Sarajevo**, sa sjedištem u ulici Derviša Numića broj 9, 71000 Sarajevo, broj: IT-40/2025 od 17.12.2025. godine, za usluge održavanja autonomnih informacionih sistema (2026-2028) za LOT 1 - Sotac, putem pregovaračkog postupka bez objave obavještenja o nabavci, sa cijenom u ukupnom iznosu od 14.400,00 KM bez PDV-a, odnosno 16.848,00 KM sa PDV-om.
- II. Ugovorni organ će sa izabranim ponuđačem zaključiti Ugovor na period od 36 (trideset šest) mjeseci, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III. Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke usluga održavanja autonomnih informacionih sistema (2026-2028), LOT 1 - Sotac, putem pregovaračkog postupka bez objave obavještenja o nabavci, pokrenut je Odlukom Općinskog načelnika o pokretanju postupka broj: 10/E-11-6403/25 od 03.11.2025. godine.

Predmet nabavke podijeljen je LOT-ove, i to:

- LOT 1 – Sotac
- LOT 2 – DataNova
- LOT 3 – E-bebe
- LOT 4 – Otvorena linija

Procijenjena vrijednost predmetne nabavke ukupno iznosi 88.000,00 KM bez PDV-a, od čega se na LOT 1 – Sotac odnosi iznos od 19.000,00 KM bez PDV-a.

IS Sotac podrazumijeva održavanje postojećih i uvođenje novih prava iz oblasti socijalne zaštite Općine Centar Sarajevo u platformu za državno upravljanje softverskim davanjima.

Predviđeno je da se sa izabranim ponuđačem zaključi ugovor na period od 36 (trideset šest) mjeseci. Informacije o pregovaračkom postupku bez objave obavještenja o nabavci 848-4-2-152-20-3/25 objavljene su na Portalu javnih nabavki dana 5.12.2025. godine (www.ejn.gov.ba).

Poziv za dostavu zahtjeva za učešće u postupku, koji predstavlja prvu fazu pregovaračkog postupka, objavljen je na Portalu javnih nabavki dana 05.12.2025. godine (www.ejn.gov.ba), zajedno sa kvalifikacionom dokumentacijom, evidencijski broj: 10/E-11-6403/25.

Komisija II je konstatovala da je, u propisanom roku za dostavljanje zahtjeva za učešće, dana 08.12.2025. godine, na protokol ugovornog organa – Općine Centar Sarajevo, zaprimljen jedan zahtjev za učešće u postupku javne nabavke usluga održavanja autonomnih informacionih sistema za period 2026–2028, za LOT 1 – Sotac, koji je podnio ponuđač „COMP-IT“ d.o.o. Sarajevo. Komisija II je izvršila otvaranje zahtjeva za učešće broj IT-37/2025 od 08.12.2025. godine i pregled dostavljene dokumentacije, te utvrdila da je zahtjev podnesen u skladu sa tačkom 2.7. tenderske dokumentacije i da sadrži kompletnu propisanu kvalifikacionu dokumentaciju.

Na osnovu izvršene provjere formalno-pravne ispravnosti u fazi I – zahtjev za učešće, Komisija II je konstatovala da je zahtjev potpun i formalno ispravan, te da je ponuđač uz zahtjev za učešće dostavio dokumentaciju kojom dokazuje ispunjavanje uslova iz tačke 2.1., podtačka 2.1.2. tenderske dokumentacije (lična sposobnost), kao i kvalifikacionu dokumentaciju iz tačke 2.7. tenderske dokumentacije, odnosno tražene izjave, propisno ovjerene i potpisane od strane ovlaštenog lica ponuđača.

Zapisnik o provjeri kvalifikacija (provjeri ispravnosti zahtjeva za učešće), za LOT 1 – Sotac, zajedno sa Tabelom o provjeri formalno-pravne ispravnosti od 09.12.2025. godine, čini sastavni dio Zapisnika o pregledu o ocjeni početne i konačne ponude, broj: 10/E-11-6403/25-1 od 19.12.2025. godine.

Na osnovu izvršenog pregleda, Komisija II jednoglasno konstatuje da kandidat/ponuđač ispunjava sve uslove pretkvalifikacije propisane tenderskom dokumentacijom.

Poziv za dostavu početne ponude, kao II faza pregovaračkog postupka, za LOT 1 – Sotac, dostavljen je kvalifikovanom kandidatu/ponuđaču „COMP-IT“ d.o.o. Sarajevo dana 09.12.2025. godine, putem Portala javnih nabavki (www.ejn.gov.ba), u skladu sa tačkom 1.6, faza broj 2, tenderske dokumentacije. Poziv za dostavu početne ponude, zajedno sa inicijalnim dokumentima, preuzet je sa Portala javnih nabavki od strane kvalifikovanog kandidata/ponuđača „COMP-IT“ d.o.o. Sarajevo istog dana, 09.12.2025. godine.

Nakon uvida u Zapisnik o zaprimanju početnih ponuda, broj: 10/E-11-6403/25 od 09.12.2025. godine, Komisija II je na zatvorenoj sjednici održanoj dana 10.12.2025. godine konstatovala da je kvalifikovani kandidat/ponuđač „COMP-IT“ d.o.o. Sarajevo, u roku za dostavu inicijalne/početne ponude, dostavio obrazac za dostavljanje početne ponude (Aneks 2/LOT 1) i obrazac za cijenu početne ponude (Aneks 4/LOT 1) za LOT 1 – Sotac.

Nakon što je utvrđeno da je ponuda blagovremeno i uredno dostavljena, Komisija II je, u skladu sa članom 63. Zakona o javnim nabavkama (u daljem tekstu: Zakon), u zakazano vrijeme izvršila otvaranje početne ponude te pročitala ponuđenu cijenu kako slijedi:

r/b.	Ponuđač	Ukupna cijena bez PDV-a (KM)	Popust	Ukupna cijena sa PDV-om (KM)
1.	„COMP-IT“ d.o.o. Sarajevo	14.976,00	-	17.521,92

Komisija II je na zatvorenoj sjednici, nakon otvaranja početne ponude ponuđača „COMP-IT“ d.o.o. Sarajevo, broj: IT-38/2025 od 10.12.2025. godine, konstatovala da je ponuda formalno-pravno ispravna, potpuna i prihvatljiva, odnosno da ispunjava uslove iz tenderske dokumentacije i zahtjeve ugovornog organa za predmetnu nabavku. Provjerom je utvrđeno da je ponuda računski ispravna te da je ukupna cijena ponude sa PDV-om pravilno obračunata.

Nakon izvršenog detaljnog pregleda i ocjene urednosti, potpunosti i prihvatljivosti početne ponude, a u skladu sa tačkom 3.14. tenderske dokumentacije, putem e-mail adrese javne.nabavke@centar.ba ponuđač „COMP-IT“ d.o.o. Sarajevo je obaviješten o terminu pregovora, te formalno pozvan na pregovore zakazane za dan 16.12.2024. godine sa početkom u 13:00 sati.

Tokom pregovora, ovlašteni predstavnik ponuđača „COMP-IT“ d.o.o. Sarajevo prihvatio je umanjeње jediničnih cijena u odnosu na dostavljenu početnu ponudu te se izjasnio da će u konačnoj ponudi izvršiti korekciju jedinične cijene, i to:

- umjesto ponuđene jedinične cijene 416,00 KM, primijenit će se jedinična cijena u iznosu 400,00 KM.

Navedena cijena odnosi se na usluge održavanja informacionog sistema „Sotac“ – održavanje i uvođenje novih prava iz oblasti socijalne zaštite Općine Centar Sarajevo u platformu za državno upravljanje softverskim davanjima, za period pružanja usluge od 36 (trideset šest) mjeseci.

Ovlašteni predstavnik ponuđača se jasno i nedvosmisleno izjasnio da će ukupna cijena u konačnoj ponudi za LOT 1 – Sotac, nakon provedenih pregovora, iznositi **14.400,00 KM bez PDV-a**, odnosno **16.848,00 KM sa PDV-om**, te da će navedeni iznos biti iskazan u konačnoj ponudi ponuđača „COMP-IT“ d.o.o. Sarajevo.

O navedenom je sačinjen Zapisnik o pregovaranju broj: 10/E-11-6403/25-1 od 16.12.2025. godine, koji su potpisala ovlaštena lica ugovornog organa i ovlašteni predstavnik ponuđača.

Poziv za dostavu konačne ponude, kao III faza pregovaračkog postupka, za LOT 1 – Sotac, dostavljen je ponuđaču „COMP-IT“ d.o.o. Sarajevo dana 17.12.2025. godine, putem Portala javnih nabavki (www.ejn.gov.ba), u skladu sa tačkom 1.6, faza broj 3 i tačkom 4.1, tenderske dokumentacije.

Poziv za dostavu konačne ponude, zajedno sa finalnim dokumentima, preuzet je sa Portala javnih nabavki od strane kvalifikovanog kandidata/ponuđača „COMP-IT“ d.o.o. Sarajevo istog dana, 17.12.2025. godine.

Nakon uvida u Zapisnik o zaprimanju konačnih ponuda, broj: 10/E-11-6403/25 od 17.12.2025. godine, Komisija II je na zatvorenoj sjednici održanoj dana 19.12.2025. godine konstatovala da je ponuđač „COMP-IT“ d.o.o. Sarajevo, dana 17.12.2025. godine, u roku za dostavu konačne ponude, dostavio Obrazac za dostavljanje konačne ponude (Aneks 2/LOT 1), Obrazac za cijenu konačne ponude (Aneks 4/LOT 1) i potpisan i ovjeren nacrt ugovora za LOT 1 – Sotac.

Nakon što je utvrđeno da je ponuda blagovremeno i uredno dostavljena, Komisija II je u zakazano vrijeme izvršila otvaranje konačne ponude te pročitala ponuđenu cijenu kako slijedi:

R.br.	Ponuđač	Ukupna cijena bez PDV-a (KM)	Ukupna cijena sa PDV-om (KM)
1.	„COMP-IT“ d.o.o. Sarajevo	14.400,00	16.848,00

Nakon javnog otvaranja, Komisija II je na zatvorenom sastanku konstatovala da je dostavljena konačna ponuda broj: IT-40/2025 od 17.12.2025. godine formalno-pravno ispravna, potpuna i sačinjena u potpunosti u skladu sa zahtjevima ugovornog organa i uslovima propisanim tenderskom dokumentacijom, te da je kao takva prihvatljiva.

Detaljnijom računskom provjerom ispravnosti konačne ponude Komisija II je utvrdila da je dostavljena konačna ponuda računski ispravna, te da je ukupna cijena ponude sa PDV-om pravilno obračunata.

Na temelju vrednovanja ponude od Komisije II, u skladu s kriterijem „najniža cijena“ i članom 64. stav (1), tačkom b) Zakona o javnim nabavkama, slijedi:

R.br.	Ponuđač	Ukupna cijena bez PDV-a (KM)	Ukupna cijena sa PDV-om (KM)
1.	„COMP-IT“ d.o.o. Sarajevo	14.400,00	16.848,00

Shodno svemu naprijed izloženom, Komisija II je putem javnog glasanja jednoglasno donijela odluku da se Opštinskom načelniku dostavi:

PREPORUKA O PRIHVATANJU KONAČNE PONUDE

Ponuđača **„COMP-IT“ d.o.o. Sarajevo**, sa sjedištem u ulici Derviša Numića broj 9, 71000 Sarajevo, broj: IT-40/2025 od 17.12.2025. godine, za usluge održavanja autonomnih informacionih sistema (2026-2028) za LOT 1 - Sotac, putem pregovaračkog postupka bez objave obavještenja o nabavci, sa cijenom u ukupnom iznosu od 14.400,00 KM bez PDV-a, odnosno 16.848,00 KM sa PDV-om, sa kojim se predviđa zaključenje Ugovora na period od 36 (trideset šest) mjeseci.

Opštinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni početne i konačne ponude
broj: 10/E-11-6403/25-1 od 19.12.2025. godine



Dostaviti:

1. Ponuđaču: „COMP-IT“ d.o.o. Sarajevo
ulica Derviša Numića broj 9, 71000 Sarajevo
2. Kabinetu općinskog načelnika – Odsjek za informatiku
3. Kabinetu općinskog načelnika – Odsjek za javne nabavke
4. Službi za finansije
5. U spis